

商水縣志

卷之十

祥瑞 季考示

災變 古蹟詠

拾遺

碑文

歌勸



商水縣志卷之十

紀事志

祥瑞
拾遺

災變

古者國必有史以紀時政率皆經邦大訓云爾乃慶祥災異雖微必書何哉天人一理也萬物一氣也人事感於下天道應於上洪範庶徵詳言之矣商雖蕞爾一邑亦天下之積也一邑乖和則天下失平矧夫盜賊饑饉邦本所關尤切重焉因表紀事

災祥

災祥之說何自昉乎易曰天垂象見吉凶而載在史册者若膏露醴泉慶雲景星以至水旱蝗盜日

商水縣志

卷之十

一

食星隕又皆班班可考於此見天人感應之際數之適然實理之自然也故聖人不言祥瑞而王者遇災而懼修省者敬怒敬渝豈敢委之適然之數而廢必然之理哉

祥瑞

漢

宣帝時有鳳止於城內十字街因名鳳凰臺

明

天啓二年麥秀兩岐穀多三穗是年大有

國朝

順治十年大有年

康熙十年大有年

康熙十九年大有年

康熙二十五年大有年 恩免田租之半

康熙三十年 恩免田租一年

康熙四十四年大有

康熙五十年大有

康熙五十三年麥秀兩岐

康熙五十九年大有

康熙六十一年大有 恩免田租一年

商水縣志

卷之十

二

雍正二年大有

乾隆二年大有

乾隆三年大有

乾隆五年大有

乾隆八年大有

乾隆九年大有

乾隆十二年 恩免田租一年

災變

明

正德六年劉六劉七餘黨趙燧邢老虎攻打商水陷

知縣劉漢全家死節賊感漢義釋而禮之倉庫無
矢事聞嘉獎

萬歷二十一年四月初旬霪雨抵八月方止四野瀰
漫室廬頽圯夏麥飄沒秋種不得播百姓嗷嗷始
猶食魚鰕繼則餐樹皮草根後乃同類相食餓莩
滿溝壑白骨枕原野誠人間未有之災也上發內
帑銀三萬兩賑濟民賴以全活

萬歷三十二年霪雨暴降麥禾傷甚災亦如之
天啓七年二月雨水野禽羽凍民競取之

崇正四年四月太白經天

商水縣志

卷之十

三

崇正五年五月霪雨至八月止河水泛溢舟航遍地
廬舍傾頽壓死男女無數民始飢

崇正六年沙雞來其形似鳩短脚猫蹄不能樹栖夜
好羣飛飛則有聲民間爭以火照取而食之識者
卜爲羣盜蜂起之象是年流寇起

崇正七年流賊渡河八月至商水北蔡寺地方殺人
甚衆

崇正九年流賊至商水周家口趙老人集殺擄無數
崇正十年蝗 十一年蝗 十二年蝗

崇正十三年大飢羣盜蜂起一條龍袁老山小袁營

千金劉皆統衆數十萬到處焚殺百姓壯者皆從賊去其餘老弱相食甚有父子兄弟夫婦自相啖者冬大雪路絕行人城門堅閉四關皆食人之藪也

崇正十四年春大疫抵秋方止死者無數初猶棺殮繼用薄捲後則闔門皆死竟無一人能殮者至六月間街少人跡但聞蠅聲薨薨而已十月初四日夜闖賊自項抵商欲襲城守者覺之而去初五日遂設攻具薄城知縣姚文衡教諭王應登督領鄉官張質等國學生傅嘉言高思忠等與鄉民百方固守城上立雲樓以砲擊之城下率義勇時砍其營凡三晝夜賊勢益盛攻打益急矢石俱盡救援無恃力弗支也初七日早賊以砲擊破東門甕城衆始喪氣文衡投井而死應登自縊質與嘉言思忠皆被執不屈而死生員李之萼及鄉民死義者甚衆殺死男女數萬屍骸枕集血流成渠

國朝

順治二年豫王南征四月二十四日固山土將兵至沙河南岸黃家灘扎營僞官王仁宇逃去先是崇正十四年闖賊李自成亂後遍地綠林揭竿嘯衆

割據稱雄商民不覩天日者凡六年至此始隸

王籍

順治三年正月天雨雪震電

順治九年二月十五日地震

順治十四年沙河決秋禾盡被淹沒

順治十五年夏五月沙河決橫流肆虐二麥飄沒民
結泔水中掇其穗而食之至秋霖雨連綿舊口復
決四野瀰漫濁浪排空環城圍繞非舟楫莫能往
來

順治十六年夏沙河決麥秋湮沒九月二十一日午

商水縣志

卷之十

五

天鼓鳴於東南

康熙元年八月黃河水溢汎濫於南與沙河堤平西
華河決葫蘆灣商水河決楊家灣二水橫流漂民
廬舍不可勝數城不浸者三版河水之決無大於
此者 是年八月地震

康熙二年大旱

康熙四年沙河復決楊家灣

康熙六年飛蝗蔽天食稼殆盡

康熙七年三月二十八日白氣見於西南彗長數十
丈經十餘日不散六月太白晝見十七日戌時地

震房屋搖動如將塌狀大雨數日不止平地水深丈餘楊家灣河堤復決

康熙十一年大水

康熙十二年大水

康熙十三年春大飢百姓食草根樹皮賣子女者甚多

康熙十五年十六年俱大水

康熙十七年春大飢 撫憲董 繪圖上之

上發內帑並移他縣廩穀差戶部侍郎查庫逐戶賑濟民得免於死是年自春徂秋霖雨不止二麥灰飛秋

商水縣志

卷之十

六

稼盡荒歲復大飢奉

旨蠲免今年田租之半

康熙十八年三月二十七日天雨雹大者如拳小者如卵由白蛇岡北蔡寺抵上蔡東岸集東南西北亘百餘里屋瓦擊碎二麥盡毀如泥無一莖存者九月十一日沙河水決是歲復大飢

康熙二十一年沙河許家灣堤決二十二年復決漂沒幾千家知縣郭天錦詳令西華協夫修築至今永固 是年冬十二月二十三日夜雨雪雷電交加至次早微有聲

康熙二十三年正月初七日大風晝晦雷聲震耳
康熙二十八年十一月瘟氣傳染自北而南牛驢死
者百不存一至次年十月始息而民間牲畜已無
噍類矣耕地乏牛多有以人曳耒耜者

康熙二十九年十一月雨雪寒沍冰堅至次年二月
始解計六十餘日人畜果木凍死無數

康熙三十一年陝西饑協運湖廣江南漕糶於童關
盤剝車價斗米一金甚至輪折牛斃夫役死亡貽
累不堪

康熙三十二年二月黃霧四塞蔽天虧日二十九日

夜半起至次日巳時開繼以暴風摧拉振拔屋瓦
皆飛

康熙四十二年夏大雨十晝夜淹塌民居不可勝數
平地水深一丈遍地舟航田禾無復一莖矣

康熙四十三年春大飢

康熙四十八年四月大雨旬日平地水深數尺更加
白帝河決二麥盡被淹沒

康熙四十九年春大飢草根樹皮搜括殆盡民間競
鬻子女一兒值百錢或以二升雜糧易之甚至不
忍分離舉家赴河死者

康熙五十六年趙老人集河決西北一帶秋禾盡被
淹沒是年春三月天鼓鳴於西北八月宜陽民亢
挺作亂尋討平之

雍正元年六月黃河楊橋口決十月至商沙河以北
莊村被其衝漂者十之六七淹死居民不可勝數
雍正五年沙河白帝口決

雍正七年王家埠口河決

乾隆元年黃河水溢至沙河北東西馬坡

乾隆六年四月大雨連日窪下之地二麥悉被漂沒

乾隆七年霖雨數月麥秋俱無

商水縣志

卷之十

八

乾隆八年春大飢民間無食多有鬻子女者
上聞詔發倉穀賑之復緩其征比民始得甦焉

拾遺

固陵

周赧王太子墓也在縣西南四十五里固現集之
東偏土人相傳赧王失國太子死節葬此後人高
其義卽墓上建祠祀之名之曰固王廟西漢高祖
追項羽至固陵爲羽所破帝堅壁自守以待諸侯
卽此

高祖廟

縣西南三十五里鍾鎮倉之東帝追羽至固陵與羽交兵於此後人立廟祀之廟今圯

白鳧

雍正八年春三月鍾鎮倉廟忽來白燕一對時時飛鳴廟前池上市中男婦皆往觀之留此數日而去

白烏鴉

乾隆元年春三月監生魏承統樓上產白烏鴉一隻綠嘴綠足四方往觀者甚衆皆以爲瑞

張乞兒

雍正二年周家口有一乞丐姓張氏譙陵人也跛一足身無完衣以義乞於市與則受之不與亦弗強絕無搖尾乞憐之態咸以義乞呼之居常落落不與羣丐伍夜則棲遲於市西義冢之隙掘地深尺許幕天席地坐臥其中風雨暑寒不暫移或日一出行乞或數日不出亦不苦飢一日天大風雪平地深數尺人以爲義乞死矣好事者掘而視之乞方鼾睡未之醒也由是遠近咸驚異之爭進之食不遍受各食少許餘俱謝去有贈以棚與衣者義乞曰吾以天地爲室何以棚爲野處而衣新衣

適足爲強暴之資且恐有性命之憂也竟辭不受
人愈異之處義冢十有三年一日飄然而去莫知
所之亦竟不知爲何許人但目之爲義乞云

職官 前志遺後於項城得舊明志始知其詳
茲特續入拾遺中亦不沒前人之意也

知縣

明

畢環 由直隸生成安人 邢潤 由直隸樂亭人

熊質 由直隸高郵人 李信 由西平陽府人

雷震 由山西沁源人 朱琛 由江西贛縣人

龔寬 由江西安遠人 許冕 由江西臨川人

商水縣志

卷之十

十

邢懋 由陝西南鄭人 張冕 北直長垣人由史

郭貴中 從祀名宦

李濬 由順天清苑人 姚孟貴 浙生江定海人由州

鄭釗 由山西榆次人 沈正 由山西潞州府人

栗經 由山西榆次人 楊洪 由山西榆次人

閻宏 由陝西華陰人 郭杲 由江西贛州府人

任維宗 由山西廣陵人 胡拱旦 由廣西承天府人

廖芝 由西桂林府人 鄧果 由四川巴陵人

王延齡 由山西臨汾人 陳翹 由福建莆田人

葉隋 由四川富順人

盧本實 由湖廣襄陵人

劉湛 由四川漢州人

孫鹿鳴 由直隸威縣人

馬斯臧 由山東安邱人

陳鵬 由湖廣蘄水人

李應鱗 由山東平人

韓棟 由直隸寧縣人

徐士毅 由直隸繁昌人

任博山 由山東臨邑人

趙尚忠 由山西太原衛人

陳應龍 由四川內江人

段孟春 由順天任邱人

崔文奎 由順天無極人

王揆疇 由北直清苑人

典史

明

商水縣志

卷之十

十一

梁敏 由直隸鳳陽人

何濟 由直隸無州人

李英 由山東堂邑人

白文 由順天河間人

顏猷 由廣西永淳人

侯珪 由山西安邑人

溫琰 由北直永平人

王復廷 由山西澤州人

吳洵 由直隸六安人

黃天秀 由湖廣黃陂人

田大用 由北直河間人

曹尚岳 由浙江餘姚人

林遇時

教諭

明

毛翼 由浙江遂昌人

李振 由山東樂陵人

華 誥 由直隸舉人常任熟

朱 敬 由直隸舉人常任熟

錢 黻 由直隸監生武進人

何 璞 由江西儒士永豐人

周 廣 由直隸任武進人由舉

范 景 由山東舉人沂州人

張 隆 由山西舉人安邑人

梁 端 由山東舉人武城人

邢 和 由陝西監生長安人

王 源 由直隸監生臨淮人

李 貴 和 由山西舉人蒲州人

張 澤 由湖廣舉人黃崗人

嚴 賓 由直隸監生丹徒人

蓋 庸 由山東監生德州人

何 應 宿 由廣西舉人任人

楊 應 東 由雲南舉人太和人

常 若 愚 由廣西舉人桂林人

皮 質 由湖廣監生黃崗人

陳 昌 虞 由直隸監生太平人

李 恪 由山東監生東昌人

商水縣志

卷之十

十二

丹 策 由北直監生元城人

楊 珮 由北直歲貢容城人

高 鳳 翥 由歸德歲貢睢州人

周 琰 由歸德監生商邱人

朱 應 龍 由浙江舉人餘姚人

鄭 相 由北直歲貢真定人

王 心 正 由湖廣任黃安人由舉

劉 端 儀 由直隸歲貢休寧人

羅 偉 光 由廣東舉人莞人

陳 時 舉 由四川任奉節人由舉

田 有 慶 由順天歲貢密雲人

官 府 推

張 大 賓 由汝寧歲貢西平人

彭 薦 雲 由直隸歲貢江都人

孟 述 唐 由歲貢輝縣人

訓導

明

劉威 由陝西監生 陝西臨潼人

于清 由北直監生 北直欒州人

于謙 由直隸監生 直隸肥鄉人

瞿璞 由江西舉人 江西南昌人

劉翰 由直隸舉人 直隸高陽人

晏旻瞻 由四川監生 四川巴縣人

葛淵 由浙江舉人 浙江慈谿人

高鎰 由福建監生 福建閩縣人

詹璽 由北直監生 北直順天人

王從教 由山西監生 山西徐溝人

鄧文 由湖廣監生 湖廣保康人

申瑤 由山西監生 山西平定人

饒世禎 由山東監生 山東兗州府人

石奇 由湖廣監生 湖廣岳州府人

成漢 由浙江監生 浙江生任人

法章 由陝西監生 陝西扶風人

王資 由陝西監生 陝西河州人

蔚廷偉 由山西監生 山西朔州人

洪祐 由湖廣監生 湖廣生任人

陸廷玉 由湖廣監生 湖廣生任人

商水縣志

卷之十

十三

王澤 由北直監生 北直邯鄲人

孫富 由陝西監生 陝西同州人

薛祈 由直隸監生 直隸丹徒人

任衡 由北直監生 北直生任人

史秉 由陝西監生 陝西同州人

陳復初 由山西監生 山西寧鄉人

王廷儀 由陝西貢人 陝西安寨人

韓輔 由雲南貢人 雲南通海人

張登士 由山東貢人 山東德平人

武朝勳 由彰德貢人 彰德磁州人

選舉志

進士

宋

張譔 由太廟評事 初進士 授大理寺評事

徵辟

明

謝直方 任洪武建十布政司舉賢良方正

李勝 任洪武陝西二十年舉孝廉

張垣 任洪武陝西二十年舉孝廉

蔣忠 任洪武山東二十年舉孝廉

王志 任洪武浙江二十年舉孝廉

劉宗顏 任洪武山東鄒平九年舉人材

舉人

明

趙可行 任洪武武邑知縣任 陳翰 任洪武無極知縣任

商水縣志

卷之十

十四

袁廉 任永樂甲午科 任嵩 任永樂癸卯科

王濬 任庚辰進士科 王相 任成化丁酉科

高需 任宏治辛酉科 時應璧 任正德丁卯科

張質 任崇正甲戌進士科

貢士

明

張由義 任洪武武賁十年事 王時中 任洪武東汶十五年主簿

郭達 任洪武東曹十年事 胥安 任洪武理寺評陞主事

楊子中 任洪武江蘭九年知縣任 郭文中 任洪武兵部主事

母居正 任洪武鹽課二十年舉司貢 單守道 任洪武東鹽課五年舉

李大安 任洪武湖廣二十六年 任洪武黃崗六年 任洪武浙江二十八司理

姜綬 任洪武大同九年 任洪武同知

裴川 官洪武至武兵科十年 任洪武給事中

楊正芳 陝西淳化縣丞 任

陳寵 順天樂文六年 任

張奮 山西襄垣縣知事 任

胥葩 山西襄垣縣知事 任

朱保 湖廣嘉魚縣丞 任

劉偉 山西徐溝縣丞 任

馬貞 山東長清縣主簿 任

商水縣志 卷之十 十五

陳綱 直隸南樂縣丞 任

韓溫 宣德四年 任

栗懋 宣德八年 任

王魁 正統十年 任

時敬 正統十年 任

蘇謙 正統十年 任

袁正 景泰二年 任

喬元 天順二年 任

楊俊 天順二年 任

李臻 天順六年 任

良 任洪武浙江二十八司理

問

喜 雲南建水州 任

暹 山西蒲州 任

莊 順德府 任

陽 順天溧陽縣 任

祿 北直樂亭縣 任

裕 三年 任

翼 順德府 任

誌 陝西鳳翔府 任

十五

瀝

楊平 宣德七年 任

鄧喜 正統九年 任

王義 正統十年 任

鄭文 正統十年 任

翟友 景泰五年 任

蔣祿 天順元年 任

游通 天順四年 任

王翊 天順六年 任

王 岷 天湖順六年 貢目任

賀 慶 天順八年 貢

韓 鸞 成化四年 貢任

魏 時昇 成化六年 貢任

康 澤 成化八年 貢

王 進 成化十年 貢任

王 志 宏治元年 貢任

時 雍 宏治五年 貢

王 臣 正德二年 貢

劉 暹 正德八年 貢任

黃 駙 正德十四年 貢任

支 尚文 嘉靖三年 貢任

劉 鈞 嘉靖六年 貢任

王 窠 嘉靖十年 貢

王 前 嘉靖十三年 貢任

王 淳 嘉靖十七年 貢任

李 達 嘉靖十九年 貢

王 崇翰 嘉靖二十年 貢

喬 木 嘉靖二十年 貢

時 應辰 嘉靖二十年 貢

李 鉉 天順八年 貢

孫 政 成化二年 貢

時 克寬 成化三年 貢任

王 璿 成化七年 貢任

黃 馴 成化九年 貢

魏 復宗 成化十年 貢任

惠 岷 宏治十三年 貢

王 壽 宏治十八年 貢任

黃 孜 正德六年 貢

李 首 正德九年 貢任

王 勳 嘉靖元年 貢任

陳 繼祖 嘉靖五年 貢

范 穀應 嘉靖八年 貢

柴 士貞 嘉靖十二年 貢任

馬 仲 嘉靖十六年 貢任

曹 士 嘉靖十八年 貢

沈 極 嘉靖二十年 貢任

劉 九疇 嘉靖二十年 貢

王 賀 嘉靖二十年 貢

惠 坦 嘉靖二十年 貢

商水縣志

卷之十

柴偉 九嘉年 靖二十 貢 劉煥然 任嘉山 靖三十 州一年 貢

韓宗康 任嘉山 靖三十 岳陽 訓三年 導貢 郭廷訓 任嘉山 靖三十 貢

柴濟衆 七嘉年 靖三十 貢 惠坤 任嘉山 靖三十 府九年 授

陳言 任嘉山 靖四十 興 訓年 導貢 高旦 任嘉北 靖四十 鄉二年 貢

王冠 任嘉山 靖四十 羅山 訓三年 導貢 楊梓霄 任嘉北 靖四十 稽四年 貢

黃庚 任嘉山 靖四十 太原 訓年 導貢 王春澤 任嘉北 靖四十 會稽 訓年 貢

王柵 任嘉山 靖三十 和年 訓 導貢 韓崇德 任嘉北 靖三十 縣 訓年 貢

焦廷光 任嘉山 靖三十 萊陽 訓 導貢 馬奉圖 任嘉北 靖三十 寧縣 訓年 貢

趙光霽 任嘉山 靖三十 蠡縣 訓 導貢 吳天倫 任嘉北 靖三十 州 訓年 貢

滕濟倫 任嘉山 靖三十 天學 訓 導貢 韓科 任嘉北 靖三十 陽城 訓年 貢

商水縣志

卷之十

十七

曹士才 五萬年 歷十 貢 韓梅 七萬年 歷十 貢

劉光前 九萬年 歷十 貢 韓向上 任嘉北 靖三十 蔡 訓四年 導

王碩輔 任嘉直 歷二十 貢 李養性 任嘉北 靖三十 州 判安

吳遇 任嘉直 歷三十 貢 惠承先 任嘉北 靖三十 裕州 訓三年 導

傅惟肖 任嘉直 歷三十 貢 隋大化 三萬年 歷四十 貢

例監

明

華鑑 任嘉直 歷三十 貢 朱冕

張繼先 任嘉直 歷三十 貢 婁平

王純 任嘉直 歷三十 貢 惠心 任嘉北 靖三十 州 貢

王賢雲南寶山吏目

王寰

惠人

劉子愚

朱國忠

惠承志

趙拱樞

劉子恕

王四箴

劉子省

李天福

烈女引

係舊明志
特續入

知縣

劉遷

雖曰死歸也誰不重於泰山章縫徒卽儼然稱死節
臣不無顧盼而以索之壺中則尤難正德時逆瑾餘
黨流毒山東河南嘗其害者十七亦嘗取道商水是

商水縣志

卷之十

十八

時邑令劉麻城也率衆往迎得委曲全民其婦若女
乃義不受污聚首自縊於一室柰何獨不效世俗子
委曲自活也吁亦奇矣麻城公從祀名宦而婦若女
竟湮沒無聞致使烈烈大節不得與日月爭光而鬱
抑遊魂徒悲號於星月之下余特表而出之

烈婦 烈女

邑令劉麻城婦失其姓遇害死節

劉氏邑令劉麻城女也正德時遇逆賊瑾餘黨流毒
與母竝縊一室而死

商水縣志卷之十

重修忠義神武靈佑大帝廟碑記

邑令

牛問仁

於惟

大帝千秋忠義純乎至誠卓乎浩氣其在當時惟漢是
爲不知有吳何論於魏嗟彼曹瞞行同魑魅機事機
心爰設芳餌子女金帛厚爲贈遺神龍有欲故得而
飼惟

帝無私肫誼篤摯舊主是懷重惟簡畀歷險如夷始終
不易孚格豚魚汎在奸僞左右勿追孤忠克遂取義
獨行千里單騎三復春秋學醇且邃重耳報秦蹟畧
相類威震華夷恩周行隊亦肅亦溫無偏無陂利既

商水縣志

卷之十

十九

不趨害豈云避視死如歸視生如寄曰大丈夫當之
無愧真氣彌綸誠心鬱積何幽何明剛大兼至憶萬
斯年敷時繹思盼嚮以時咸欽祀事扶正驅邪夔魍
莫肆覺世真經喚醒夢醉八柱撐天四維紀地軼後
超前拔乎其萃至聖孔子淵源同粹

國朝定鼎凝休正位忠義神武嘉名肇始迨我

聖皇尊崇疊賁靈佑新增聲施訖暨史館纂修正訛定謚

彝訓煌煌

綸綍宣示日出海隅咸知所自矧在中邦饋祀益愆

仁

宰澱川責分撫字水旱禱求虔誠共致縣治南街廟

稱伋闕其制向西桑梓瞻企舊著靈竒見於邑誌父
老謳吟銘深寤寐風雨歷年樓牆幾墜嗟我士民共
增感喟鳩工庀材協心勳勳五月告成堂基堅緻陟
降赫然如臨如莅首事邑紳敬恭不匱傳後信今屬
宰作記盥手澄心躊躇數四伏願邑人如諧昆季守
分習勤勿辭勞勤仰

帝之忠詐虞胥棄上報

朝廷勉爲淳懿慕

帝之義無滋 忌故舊親隣勗以洽比交情往來不求
不伎以 誠以正馭氣前

商水縣志

卷之十

二十

聖我師存乎有志相見潔齊

神休永庇

周口南岸金龍四大王廟碑記

邑令 牛問仁

乾隆癸巳初夏問仁宰商水次年甲午春同鄉張輯
五等議建

大王廟於周口潁水之南乙未秋九月告成屬余志之
余惟節莫大於忠義德無間於幽明縱觀天地間升
沉榮悴轉眼成虛而惟此義膽忠肝足以擎八柱而
維六幕耿三光而薄九霄上可報效國家下可庇佑
蒼赤此依古貞臣義士生則建殊勲全志節沒則銘
燹鼎肇明禋亘千秋萬代而俎豆於不祧者也夷考
記載

商水縣志

卷之十

二十一

王籍隸浙之山陰爲宋季武學生素矢忠義元滅宋赴
水盡節明太祖兵起 王見諸夢許反黃河水助戰
彭城後果驗遂得封 王卒於封邱之金龍口行四
故曰金龍四大王我

朝定鼎百三十年屢著靈蹟夾河兩岸多立廟祀周口
地界淮商賈魯褚汾滙入潁流商賈雲集康熙年間
都油增價衆商舟楫順利諸藉 王休咸思報之糧
油商人公議每千百抽存什一乾隆初年計得四百
餘金經營生息三十餘年又各竭力捐輸始得贊成
其事於戲

王以諸生抱忠貞炎宋絕祀已九十年而 王英魂精
氣砥柱中流直與漢廣江永大河之來天上瀚海之
衛神州同其縣長悠久用能呵護生靈無遠弗屆其
能壯有宋衰歇之氣於四百餘歲以後者即能扶
大清神聖之祚於億萬斯年之久者也禮稱有功德於
民者則祀之 王其最歟抑聞忠義人皆可學衆商
賈一念之誠年幾百載貲計萬金協力同心共成厥
志是亦抱忠愫而襄義舉者宜

王之扶翼啓佑於無疆也抑於此竊有私祝焉 問仁 沐

聖恩莅事商邑春秋四更問雨占晴利害與民共之邑境

商水縣志

卷之十

二十一

地多窪下水患尤繁寤寐尚祈

明神垂佑保茲澱疆永絕災禔俾履平康則蒙 王之
休而飲食尸祝者又不惟五方商賈之衆已也歎歎
私衷

王其鑒之

季考示

邑令 牛問仁

正堂牛 爲季考事蓋聞濁水孕珠遇鮫人而煥彩
深山抱璞逢和氏以生輝在豪傑固無待而興惟術業
以相觀而善仕優則學本未易幾會友以文稚有同
好本縣濫竽科甲筮仕茲邦退食一編公餘三復溯
星槎之來自西北益悟學本文河挹潁流之下注東
南乃嘆文歸學海風塵俗吏何暇文章髦譽俊才有
懷金玉試吾舊業淬爾新硎商邑雖云僻隅中州實
號才藪章臺空留遺址積學愧爾積金棲鳳時鳴梧
岡吉人先資吉士 者征車初下即期示我周行今

商水縣志

卷之十

二十三

茲秋氣方新彌覺伊人宛在披清風於白帝詩興頻
添望夜月於烏溝文思頓爽敬諏七月初三日集諸
生童於書院而面課之陶詩云奇文共忻賞疑義相
與析惠而好我噬肯來遊特示

勸民歌序

邑令

牛問仁

古人躬行化民第以言教陋矣然天地之性人爲貴
愚民不知人理輕蹈法網不教而殺視若犬豕返諸
爲民父母之心能無惻然本縣政務稍暇自著勸民
歌十二條以里言申明人理大要不外於五倫與律
文所載十惡七殺要義互相發明因令各地方公舉
鄉長附於農隙朔望宣講

聖諭之後以仰副

聖朝委任

上憲噓植之意於萬一云

商水縣志

卷之十

一二十四

勸民孝弟里歌

奉勸吾民要孝弟孝弟於人爲最切水若無本流還
竭木若無本因風折不孝不弟根先絕忤逆子弟得
禍烈人自孩提至性揭娶妻子天真泊每食無餘
甘旨缺惟言是聽婦長舌何有何無自親熱一家骨
肉成冰雪獨不思人無父母生不茁人無兄弟爲孤
子暗裡試他一點血凝成一處無分別天地生成恩
義結手足何忍自劈裂返哺烏鴉齧母蝎眼前報應
班班列孝不專在聽親說尊卑名分自尋轍生男生
女願和協五更睡醒思量徹

勸民完錢穀里歌

我

朝休養惠黎元風調雨順多豐腴撻伐逆酋衛吾民難
道百姓不知感百凡浮費皆宜省惟有錢糧不可緩
就使囊中無餘錢粟帛也該急變轉每年照月足分
數奏銷之期限難展若是頑疲仍舊貫杖責刑比法
難遣爲勸吾民共知勉奉公急課爲良善

勸民和夫婦里歌

爲勸吾民和夫婦夫婦和時福綿綿夫男原是一重
天娶妻緣結五百年齊眉敵體互相聯承先啟後非

偶然結髮相愛須相敬始終相敬愛始全貧窮彼此
共相憐糟糠乃見恩義堅堂上雙親孝爲先常教兄
弟學三田琴瑟靜好邀天眷生男育女慶膝前若是
終朝相吵鬧管取一生受顛連 不聞昧旦鷄鳴自
古傳相敬如賓說前賢德業相勸過相規白頭密友
共勉旃

勸民勿鬪毆里歌

七殺謀故罪滔天鬪毆傷人論抵還事關服制律更
嚴先死容易後死難縱然傷輕不致死分別杖徒法
難寬豈不聞人生禮讓最爲先下雨不淋踳頭椽甘

受人欺是善緣好漢安能抗上天世路崎嶇積有端
讓人一步福無邊有時氣忿讓不過吞聲歸去且長
眠待得醒時平心想豈與是父母之讐不戴天放得
開時意豁然眼前便覺天地寬

勸民勿賭博里歌

奉勸吾民勿賭博一着脚時步步錯人生術業各有
托當勤夜思與早作縱使冬閒苦寂寞尋個正業作
生活縱使長夜苦蕭索檢點門戶謹管鑰每聞人家
被偷摸多因出門去賭博吾民本是伶俐人入了賭
博多蒙混吾民本是正經人入了賭博成光棍吾民

本是善人入了賭博生忿恨入局容易轉身難賭
博叫做迷魂障所以長官愛百姓惟有賭博法嚴禁
開賭窩賭賭具杖責軍流依律問始因圖利空囊
橐到頭終苦没下落勸勸懇懇與民約各務本業休

賭博

勸民息訟里歌

爲勸吾民勿好訟好訟枉把機權用訟師以爾爲玩
弄千方百計要求勝縱然勝了非便宜何況虛詞終
有空牽東補西難掩飾到頭得把真情供供出真情
皂白分按律定罪不寬縱本是些小口角事弄巧成

拙落陷穽何如見機早回頭我有不是先自訟守分
樂業爲安靜安靜便是好百姓

勸民勿輕生里歌

吾邑民淳少詐僞間或輕生自捐棄父母養育非容
易頭象天兮足象地太平本是極樂國奈何輕生永
別離投井服毒并自縊盡是懵懂無知類祖宗不許
入墳塋子女不得奉含襚親人哭得心如醉鬼若有
知應墮泪婦女生前惜廉恥赤身驗尸羞難避自盡
法不論抵償枉把性命作兒戲豈不聞

聖祖天語諄諄示鮮讎重命切宜記縱有急困難支持還須

商水縣志

卷之十

二十七

從長另計議除却死法皆活法心頭莫教生魑魅
勸民勿重利里歌

爲勸吾民莫重利重利由來必失利貧窮親友來稱
貸量力周給爲恤匱縱使有借復有還只應照例起
息利若將放債作生意一索再索情乖離你圖吃利
我出息安能一朝清本利嚷鬧爭辨無終既構訟興
詞從此始倒票盤剥非法紀私賬折業千吏議爲勸
吾民莫重利積德善爲兒孫地

勸民濬川里歌

爲勸吾民勤濬川免教雨澇水滔天昏 呼號也徒

然綢繆未雨計宜先河底取土兩岸翻禦患只在一
勤間耕三餘一九餘三長官此意最勤拳

勸民掘井里歌

由來鑿井好耕田收成不是全靠天一望沃壤徧澆
川井挖丈餘已及泉富生禮義自昔傳美利奈何甘
棄捐每井灌田三四畝管保八口得安全上完倉穀
省費錢陳陳相因利無邊愚民無識多支延鄉長紳
士倡宜先若是怠惰狃目前分別笞杖警愚頑

勸民墾草里歌

吾出廉俸借爾錢速買牛頓墾草田冬春之初犁兩

翻籽粒獲在夏秋間一資家口俯仰寬二變穀價完
糧錢三來可免出蝗蝻此役一舉三善全若是領錢
不墾田田主鄉地枷杖嚴

勸民勿即邪歌

爲勸吾民勿即邪士勤誦法農桑麻商賈食力也堪
嘉問道周行永無差白蓮清水皆竒袞左道亂民極
刑加豈不聞菩薩開門近在家如來不須涉流沙燒
杳做會空咨嗟苦海回頭便是涯

